

Poesia in dialetto
"SGUNDEN"

Al piasàl a d'la stasiòn

L'era in un quartér d'impurtansa
finchè al tram l'é andà in vacansa.

A gh'era la ferovia dal tram a vapur,
ariv, partensi, e tant curius.

La stasiòn, in un palàs tramèsa a dü canai,
un pont ad legn par pudér entràr.

Tött l'era cuncentrà in d'la stasiòn,
con a capo la Maria e Caio d'la Cinón.

Arivava merci, pasegér, e tant furastér
che in dal paés i faven i so mestér.

A gh'era al scalo merci, la biglieteria,
al deposit dal bicicléti, parfén l'ustaria.

Un Cramunés al proprietari, al vèc' Stringhén,
l'era l'epoca ca s'biveva al ven in di scüdlén.

In di viai a d'la strada
a gh'era i curdèr ca filava.

Da 'na via laterala
i client dal stal i gh'aven l'entrada.

Un incontrar d'artigian, marcantén
con caréti, car, cavai, in dal stal ad Stringhén.

Da la Lunigiana arivava i marcantén,
dal Tiröl: magnan, muléta, scranèr, spasacamén.

L'era un stal con tött l'atresadüra
pr'un bisogn o un'aventüra;

i cavai, al carosi cm'al pustiglión
sempar presént: al vèc' Buziòn.

Se i cavai i gh'aven bisogn di fèr
a gh'era pront lamón e Stufièn i manescalch.

Ien arcord a d'la memoria,
di Sgunden ch'i'àn fat la storia.

